

*Caulis* erectus, ramosus, teres, glaber.

*Rami* erecti, consimiles, simplices.

*Folia* lanceolata, obsolete & obtuse denticulata, vixque serrata; ad radicem plura majora; caulina sessilia; omnia glabra.

*Flores* in spica laxa, terminali, caulem dimidium occupante; cærulei.

*Pedunculi* breves, erecti, alterni, remoti.

*Bractea* linearis; pedunculo paulo longior.

**CAL.** pentaphyllus, coronans Germen: foliolis linearibus, patulis; corollæ tertiam partem vix attingentibus.

**COR.** monopetala, ringens. *Tubus* germine duplo longior, cylindricus, versus apicem sensim ampliatus, ad dimidium longitudinaliter superne dehiscens. *Limbus* bilabiatus: *Labio superiore* omnino bifido ad dimidium tubi pro genitalibus: laciniis angustis, linearibus. *Lab. inferius* dependens, trifidum: laciniis lanceolatis, acutis.

**STAM.** *Filamenta* quinque, inferius soluta, superius connata in cylindrum. *Anthera* cylindrica, crassior, leviter curvata, extra corollam prominens ex fissura dorsali.

**PIST.** *Germen* oblongum, lineare, sub receptaculo. *Stylus* filiformis, staminum longitudine. *Stigma* crassiusculum, ex Anthera prominens, basi circulo pubescente marginato cinctum.

**PER.** *Capsula* oblongo-linearis, calyce coronata, trilocularis.

**SEM.** plurima, minutissima, glabra, subrotunda, hinc convexa, inde glabra.